

Headline	TNB rangkul anugerah platinum CSR Global 2016		
MediaTitle	Kosmo		
Date	02 May 2016	Language	Malay
Circulation	197,202	Readership	875,000
Section	Niaga	Page No	51
ArticleSize	248 cm ²	Journalist	N/A
PR Value	RM 19,382		




PENGURUS Besar Kanan (Hal Ehwal Korporat dan Komunikasi) TNB, Datuk Ir. Mohd. Aminuddin Mohd. Amin (kanan) menerima anugerah daripada Head of Indonesia Joint Crediting Mechanism Secretariat Indonesia-Japan Bilateral Cooperation, Dicky Edwin Hirdanto di Bali, Indonesia baru-baru ini.

TNB rangkul anugerah platinum CSR Global 2016

KUALA LUMPUR – Tenaga Nasional Bhd. (TNB) merangkul anugerah platinum pada acara Sidang Kemuncak dan Penganugerahan Tanggungjawab Sosial Korporat (CSR) Global 2016 kali ke-8 di Bali, Indonesia, baru-baru ini.

TNB dalam satu kenyataan yang dikeluarkan di sini berkata, anugerah bagi kategori Kepimpinan CSR itu diberi berdasarkan penglibatan aktif Pengerusi TNB, Tan Sri Leo Moggie dalam aktiviti CSR syarikat yang menekankan usaha dalam pendidikan, pemuliharaan, kelestarian alam sekitar serta pembangunan komuniti.

Syarikat itu turut menggondol tiga anugerah lain menerusi dua anak syarikatnya termasuk TNB Research Sdn. Bhd. yang meraih anugerah emas kategori Kecemerlangan Alam Sekitar Terbaik berikutan kejayaan menghasilkan kajian, pemuliharaan alam sekitar, memindah serta menyelamatkan hidupan liar di Projek Hidro Hulu Terengganu.

TNB Janamanjung Sdn. Bhd. pula merangkul dua anugerah iaitu emas bagi kategori Amalan Tempat Kerja Terbaik serta anugerah perak bagi kategori Kecemerlangan Persekitaran Terbaik berikutan pengoperasian stesen yang memberi penekanan kepada aspek keprihatinan warga kerja dan alam sekitar.

– Bernama

